

SPEZIALE AANBOD VAN

### HEMDE.

Ons bied 'n beperkte hoeveelheid manshemde met twee los boordjies, in populêre kleure, aan teen

12/6

Kom sien hulle in ons vensters en doen u keuse vroegetydig.

**DIE EIKESTADWINKEL**  
(Edms.) Bpk.  
PLEINSTRAT,  
Stellenbosch.

# DIE Matie

STELLENBOSSE STUDENTEKOERANT.  
ORGAAN VAN A.N.S.-TAK.

Gedruk deur Pro Ecclesia-Drukkery en uitgegee deur die A.N.S.-Tak Stellenbosch

## VILJOEN

se fietswinkel sal u fiets weer repareer. Bring dit net. FIETSE EN FIETSPARTE NOU IN VOORRAAD. Alles teen die billikste terme. Onthou—  
Net langs Suikerbossie.

DEEL II, No. 18.

VRYDAG, 31 JULIE 1942.

PRYS 1d.

## „Die Matie” Vier Sy Eerste Verjaarsdag

### DIE RIGTING VAN „DIE MATIE”

'n Terugblik oor die Jaar wat verby is.

„Solank as die A.N.S. die hart van ons volk suiwer vertolk en 'n boodskap het vir ons studerende jeug, solank sal hy ook gesond en kragtig voortlewe, en solank sal hy ook 'n orgaan nodig hê om sy boodskap te dra.....”

Met hierdie woorde het die Kanselier van ons Universiteit, dr. D. F. Malan, verlede jaar „Die Matie” by sy eerste verskyning verwelkom. Nà 'n jaar is dit besonder interessant om terug te kyk en 'n samevatting te gee van die boodskap wat „Die Matie” in hierdie tydperk gedra het.

Die stryd van „Die Matie” in die afgelope jaar was die stryd van die A.N.S. om in die donker toestand van volksverdeeltheid en „broeder-twis” namens die studentejeug leiding te probeer gee. Met die boodskap wat hy t.o.v. die huidige politieke twis gebring het, het „Die Matie” gehelp om 'n sterker en meer lewenskragtige A.N.S.-tak op Stellenbosch op te bou as wat ooit tevore hier bestaan het.

#### EENHEID VAN GEDAGTE

Om hierdie rede het die A.N.S. hom gestel op die standpunt van volkeenheid geïntegreer om 'n eenheid van gedagte. Die A.N.S. het dus geweier om kant te kies in die politieke stryd en ons lees in „Die Matie” van 22 Aug. 1941 dat 'n beroep op dr. Malan gemaak word in 'n adres wat aan hom aangebind is om die volkeenheid te beskerm. In dieselfde uitgawe word die standpunt van „Die Matie” t.o.v. die H.N.P. en O.B. uiteengesit.

Die party se „eerste taak (is) om te hou wat hy verwerf het en te red wat te red is. Assulks verdien hy en geniet hy ook die volle steun van die A.N.S.” Die O.B. „is 'n volksorganisasie in die sin wat 'n partyorganisasie dit nie kan wees nie, want in hom vind ons reeds die produk van 'n totaal nuwe oriëntasie in ons politieke lewe.” „Ons mag nie nou die volk voor allerlei keuses stel nie, asof daar vandag gekies moet word tussen die party en O.B.! Want, as jy net die party en O.B. kies, dan kies jy die status quo, die bestaande orde van dinge; terwyl

die blote kreet van anti-kapitalisme die bestaande orde reeds verdoem.”

Tog was daar 'n aantal lede wat nie tevrede was met die rigtings van A.N.S. nie en in „Die Matie” van 26 Sept. sien ons dat 'n klomp lede van die Stellenbosse A.N.S.-tak... besluit het om af te skilfer van die Afrikaans-Nasionale Studentebond en om „terug te draai na die ou uitgediende liberaal-demokratiese weg.” Die rede vir hierdie „afskilfering” was die onwilligheid van die liberale seksie in die A.N.S. om die tipies Afrikaans-Calvinistiese Leierskapsbeginsel te aanvaar.

#### ANTI-LIBERALISME

Weens die kragtige optrede van die plaaslike tak, het hy versterk uit die stryd gekom, sodat sy ledetal binne 'n paar maande alle vorige

#### Van Ons Erepresident

Die volgende boodskap is deur ons Erepresident, dr. Hans van Rensburg, aan ons getelegrafeer:—  
*Veels geluk met verjaarsdag „Die Matie.” Hy dra sy deel by in stryd teen liberalisme en vir die nuwe Afrikanerdom. Sterkte.*

Hans van Rensburg.

hoogtepunte oortref het. Dit het „Die Matie” die nodige stukrag gegee om met soveel meer ywer die Afrikaner-liberalisme te beveg, en om hierdie rede kon die A.N.S.-tak ook, soos blyk uit „Die Matie” van 17 Okt., 'n baie sterk standpunt inneem t.o.v. die Fort Hare kwessie.

„So het ook in Suid-Afrika die Afrikaans-Nasionale Studentebond reeds in 1940 met sy bekende Vryheidsmanifes die voortou geneem en  
*Vervolg op bls. 3 kol. 2.*

### STEUN OPNUUT AAN ONS BLAD

#### TOEGESE IN SY STRYD

Op 'n Vrydagmôre presies 'n jaar gelede is die eerste uitgawe van „Die Matie” by die drukkery feestelik ingewag. Vanaf daardie oggend het „Die Matie” nog gereeld elke week gedurende die akademiese jaar verskyn, met die uitgesproke beleid om 'n positiewe bydrae te lewer in die stryd teen Liberalisme. In hierdie stryd is „Die Matie” geweldig gesterk deur die daadwerklike ondersteuning en opregte waardering van dosente, oud-studente en lede van die publiek.

Hieronder volg 'n paar boodskappe vir die verjaarsdaguitgawe van „Die Matie.”

#### GELUK „MATIE”!

Van Dr. S. J. Pretorius.

Al meermale het studente van die Universiteit van Stellenbosch, individueel of groepsgeewyse, as voorvegters opgetree vir die bevryding van die Afrikanervolk van vreemde invloed. Nog nooit, egter, is die stryd so doelbewus, met so 'n duidelike rigting, en met soveel erns en

#### Ons Uniale Leier.

Ons het die volgende telegram van A.N.S. se Uniale Leier ontvang:  
*Hartelik geluk met eerste jaar van bestaan. Laat die suiwer klank ook in die nuwe jaar hoor.*

Postma.

welslae gevoer as gedurende die afgelope jaar onder leiding van die plaaslike tak van die A.N.S. en die plaaslike studenteafdeling van die Ossewabrandwag nie. Hiertoë het „Die Matie,” as A.N.S.-orgaan onteenseglik veel bygedra. Namens alle enersdenkende studente, oud-studente, en ander volksgenote—nie net diegene wat die stryd met belangstelling gevolg en ondersteun het nie, maar ook diegene wat geen kennis daarvan dra nie maar wel die vrug sal smaak—wil ek derhalwe by die viering van die eerste verjaardag van „Die Matie” graag 'n paar woorde van opregte waardering en dank rig aan die plaaslike A.N.S.-leiers en hulle medewerkers vir die onbaatsugtige diens wat hulle aan die studerende jeug en die hele Afrikanerdom bewys het en nog bewys. Laat ons hulle toeroep: „Gaan voort, u volk sal u daarvoor eer!”

Alhoewel klein en beskeie, het „Die Matie” selfs al gedurende die eerste jaar van sy bestaan, met sy positiewe beleid en sy hoë joernalistieke gehalte, 'n baie belangrike

Van Prof. J. A. Wiid

„Die Matie” staan vir 'n idee, die idee van die Twintigste eeu. As sulks doen hy baanbrekende werk, voorsien hy in 'n behoefte en verdien hy 'n toekoms. Mag hierdie idee dien as anker en stuur op 'n oseaan van verwarring!

Van 'n Oud-Matie.

Die idee waarvoor „Die Matie” staan het reeds gewen. Julle teenstanders se wapen teen julle sal meer en meer wees dié van nabootsing. Volhard in julle taak en met die verjaardag kan u almal terug dink aan 'n jaar van suksesvolle arbeid wat agter die rug lê, en ons Oudmaties wat glo in die Nuwe Begin van die 20ste eeu, marsjeer saam die Nuwe Jaar in. Nie alleen ons beste wense vergesel u nie, maar wees verseker van ons ondersteuning.

J. A. Hurter, George.

taak vervul. Die toestand waarin die huidige Regering ons land gedompel het, die gebreke en leemtes in ons maatskaplike en ekonomiese instellings, die demoraliserende uitwerking van die partystelsel, is enersyds onomwonde aan die kaak gestel; maar daarbenewens is die koers na 'n vrye volks- en gesagstaar waarin daar geen plek vir uitbuiters, demagoë, en selfsugtige persoonlike belange sal wees nie—'n koers wat niks minder as groot rewolusionêre veranderinge verg nie—op ewe ondubbelsinnige wyse aangedui. Hierdeur het „Die Matie” die guns en waardering van baie  
*Vervolg op bls. 4 kol. 3.*

## APTEKERS

Ons bied u deskundige bediening en betroubare medisyne aan. Deskundige Fotografiese Handelaars.

**Maak gebruik van ons  
Vlugge Fotografiese  
Posdiens.**

**JOERNING EN SEUN**  
(Eiens.) Bpk.

Hoek Bird- en Pleinstraat,  
STELLENBOSCH.

## GOEIE NUUS

So pas ontvang, 'n Nuwe versending Matie-truie met moue 18/2, sonder moue 10/7½.

Grys, Blou en Donkerrooi Hoë Kraag Oortrek-jersies 13/11½  
Mans Hemde met 2 Los Boordjies of met Vaste boordjies teen 10/11, in Effe Kleure, Grys, Blou en Groen.

Mans Grys en Vaal Alba Flenniebroeke 33/8½ en ander teen 25/6 en 27/6.

Die Alombekende Rex Royal Broeke 39/6, gewaarborg onkrimpbaar. Vergelyk eers ons pryse vóór u koop.

**GEBROEDERS DE WET (EINS.) PBK.**

Bus 21.

STELLENBOSCH.

Foon 20.

## Suikerbossie Melksalon

HOOFKWARTIER

van

GESONDHEID.

Ligte Etes, Melkdranke  
(warm en koud), Koffie,  
Tee en Lekkers.

Onder persoonlike toesig van  
**OOM HUGO.**

# Die Oorlog

## XVIII. Die Stryd nader 'n Krisis.

„De Waereldgeschiedenis is 't  
Waereldgericht,  
Vergelding, de wet der Historie.”  
— Ten Kate.

### DIE SLAG AAN DIE DON.

Van al die baie en oor die aardbol verspreide oorlogsfronte in die lug, op die see en op die land is dit nog altyd aan die suidelike deel van die Russiese front waar op die oomblik die grootste slaie gelewer word. In hierdie vir Rusland lewensbelangrike gebied is die triomfantlike voortmars van die Spilmagte nog geensins gestuit nie. Die sleutelstad Rostof met sy 520,000 inwoners is in Duitse hande, die Donrivier is op verskeie plekke oorskry, Stalingrad aan die Volga word genader en die skeepvaart op hierdie vernaamste Russiese waterweg het reeds met

skyndelik dat selfs die verbasende Russiese uithoudingsvermoë voortdurend ontsaglike verliese aan mensmateriaal en oorlogstuig, aan lewensgewigtige graan- en nywerheidsgebiede kan ly sonder om 'n krisispunt te bereik. Dit is derhalwe nie volkome uitgeslote nie, veral as die beloofde tweede front nie gou genoeg tot stand kom nie, dat die Stalin-bewind voor 'n krisis van binnelandse aard te staan sal kom. Hoewel Stalin sedert jare daarop uit was om alle binnelandse kieme van potensiele weerstand genadeloos uit te roei, is daar in Rusland nog elemente wat nie met die kommunistiese bewind versoend is nie. Die Britse blad „Re-

### Deur Prof. J. A. Wiid

Duitse bomme kennisgemaak. Ten suide van Rostof dring die Spilmagte voort in die rigting van Kaukasië. Volgens Britse voorspellings sou die ryk olievelde van Kaukasië die Duitse doelwit wees. Met die oog op die bergagtige geartheid van hierdie gebied lyk so 'n doelwit op die oomblik onwaarskynlik. Dit is moontlik dat die Duitse voortmars in hierdie rigting hom sal beperk tot 'n poging om die gebied ten suide van die Azowse see en die spoorlyne ten noorde van die bergland te beset. Die lot van Kaukasië sal vir 'n groot gedeelte afhang van die houding van die aangrensende Turkye. Dit lyk dus waarskynlik dat die Duitsers sal probeer om Stalingrad te beset, die gewigtige verkeer op die Volga af te sny en hulle aandag dan aan Moskou te skenk.

view of World Affairs” berig dan ook van 'n georganiseerde mag van ongeveer 150,000 Oekrainers wat saam met die Duitsers teen Stalin veg. Ook word melding gemaak van georganiseerde bendes Oekrainers wat jag maak op kommunistiese amptenare wat deur die terugtrekkende Russiese leërs agtergelaat is.

Dit moet onthou word dat die bevolking van Rusland geensins homogeen is nie. In tye van krisis kan 'n gemengde bevolking 'n bron van swakheid wees. Gevaarlik veral is dit as verzet teen die sentrale regering van die leër uitgaan. Dit is dan ook opmerklik dat in Rusland nog voor die jongste terugslae, seker spesiale eenhede by die leër ingelyf is, bekend as die Sekuriteitsmag van die Staat. Lede van hierdie eenhede dra die rang van offisiere en hulle het die mag van lewe en dood oor almal in die leër, ingeslote offisiere, die geheime polisie (Ogpu) en selfs die politieke kommissare. Hulle sou alleen en regstreeks aan Stalin verantwoordelik wees. Daar word in Rusland dus wel deeglik rekening gehou met moontlike verzet teen die regering. Dergelike verzet kom gewoonlik tot uiting in tye van militêre terugslae. Dit kan nie ontken word nie dat Rusland swaart terugslae gely het en nog ly. Daar moet dus vandag met die moontlikheid rekening gehou word dat Stalin en sy bewind van die toneel kan verdwyn en dat Rusland kan ophou om 'n ernstige militêre faktor teen die Spilmagte te wees. Alleen Russiese oorwinnings en 'n suksesvolle Engelse Amerikaanse offensief sal so 'n ramp vir die Geallieerdes kan verhinder.

### DIE DUKBOOTBEDREIGING

Terwyl ons nuusberigte taamlik spraaksam is in verband met die oorlogvoering in verskillende dele van die wêreld, swyg hulle soos die graf oor die geweldige stryd tussen Spilduikbote en die Geallieerde skeepvaart. Oor skeep mag nie gepraat word nie. Selfs in die Britse Parlement is skeepvaart vandag 'n onderwerp wat alleen nog in geheimsittings bespreek mag word. Terwyl oor die skeepsverliese die stilswyende sorgvuldig bewaar word, is daar geen geheimhouding nie wanneer dit handel oor reusagtige tonnemate wat Amerika en Brittanje in aanbou is en oor astronomiese geldsomme wat vir die aanbou van nuwe skeep gestel word. Die gewone man is dus gestel. Vir hom het daar geen twyfel bestaan nie dat die duikboot 'n beslissende faktor in hierdie oorlog kan wees nie.

Op al hierdie niksseggende en gerusstellende versekerings aangaande die vraagstuk van skeepvaart het ons eensklaps 'n onaangename ontru-

Vervolg op bls. 3 kol. 2.

## DIE MATIE

Hoofredakteur: A.N.S.-Taksleier.  
Korrespondensie: Die Besigheidsbestuurder, Dagbreek, Stellenbosch.

Deel II. 31 JULIE 1942. No. 18.

### Die Standpunt van die Jeug

Dit is hierdie week presies 'n jaar gelede dat die eerste uitgawe van „Die Matie” verskyn het. Die plaaslike A.N.S.-tak het, soos uit die inleidingsartikel van daardie uitgawe blyk, 'n tweërlei doel met die uitgee van 'n weekblad gehad, nl. om 'n orgaan daar te stel vir die verspreiding van Universiteitsnuus en vir die propagering van die Afrikaner-idee.

Afgesien van die nusaspek was dit dus van die begin die beleid van „Die Matie” om positiewe leiding te gee ten opsigte van die verwesenliking van ons Afrikaner-ideale. As sulks het „Die Matie” nog steeds die standpunt van die jeug vertolk. Begryplik is dit dat die jeug wat nog nie in aanraking gekom het met die gevestigde belange van die groter lewe nie, baie meer idealisties en rewolusionêr sal wees as die ouer mense wat al geleer het om te berus in die „onvermydelike.”

Gelukkig is daar in hierdie era van geestesverjonging oor die hele wêreld ook in ons land 'n groot aantal ouer mense wat nog die besieling en geesdrif van die jeug besit en weier om hul neer te lê by die heersende toestande in ons land. Nie alleen is hulle soos alle Afrikaners besiel met die ideaal van 'n vrye onafhanklike Republiek nie, maar beoog nog veel meer.

Ons, die Jeug van Suid-Afrika, weier om te berus in die ou liberalistiese staatsstelsel wat die direkte oorsaak van al die onenigheid en probleme in ons land is. Ons wil 'n Republiek hê gegrondves op die Christelik-Nasionale beginsels van ons voorvaders wat in die Kruger- en Steyn-Republieke tot volle ont-plooiing gekom het, en ons gaan tevrede wees met niks minder nie.

Hierdie is nie slegs 'n ideaal waarna gestrewe word nie, maar 'n noodwendigheid. Net soos die idees van die Franse Rewolusie posgevat het oor die hele Westerse beskawing, so is daar ook nou 'n geestelike verjonging te bespeur oor die hele wêreld, selfs in Engeland.

Die ou Patriargale stelsel van die Wes-Europese volke het gedegeneer tot die Absolute Monargistiese stelsel wat sy toppunt bereik het met Lodewyk XIV van Frankryk wat verklaar het: „Ek is Frankryk.” Die volk is niks, die monarg alles. Hierteen kom die Franse volk in opstand en beklemtoon die regte en vryhede van die individu waaruit die volk bestaan. Hierdie idees het 'n Hervorming deur feitlik die hele Westerse wêreld veroorsaak. Ongelukkig is van die vryheid van die individu soveel misbruik gemaak dat die wêreld vandag onder die dwingland van die kapitalis gebuk gaan.

Die Individualistiese staatsbeskouing wat die oorsaak is van soveel wantoestande maak nou oor die hele wêreld plek vir die Organiese staatsbeskouing, nl. dat die heil van die individu saamhang met die heil van die volk. Die volk moet waarlik vry wees, dan sal die individu ook vry wees.

Ons staan vir hierdie rewolusie, wat by uitstek die rewolusie van die jeug is, en in die nuwe jaar sal dit nog steeds die beleid van „Die Matie” wees om die idees van die Rewolusie van die 20e eeu te propageer.

### Weereens die Wits-Kwessie

Ná honderd-en-vyftig jaar se ondervinding, en veral nou terwyl die huidige Afrikaanse volksbeweging steeds n krag toeneem, is dit 'n jammerlike verskynsel dat daar vandag nog Afrikaners is wat die impli-

Dames dis u plig om u hare by die  
**DAMES HAREVERSORGING-SALON**  
te laat versorg.

U voorkoms is hoofsaak. U onderskeiding by ons versker die vordering van die Afrikaanse ondernemingsgees en versorg werk vir die Afrikaner dogter.

Ons pryse is na u smaak.

**Dagbreek-Dames-Hareversorgingsaloon**  
Langmarkstraat 141,  
**KAAPSTAD.**  
(Grondvloer).  
Skakel 2-5662.

### R. MÜLLER

EERSTE vir KLAVIERE, VLEUELS, ORRELS.

Alle ander soorte  
MUSIEKINSTRUMENTE, MUSIEKALE  
BENODIGHEDE, DRAADLOOSTOE-  
STELLE EN GEDRUKTE MUSIEK.  
WAPENS, AMMUNISIE, ens.



### R. MÜLLER

(Elens.) Bpk.

KAAPSTAD en STELLENBOSCH.

Tel. 2-1944.

Posbus 2657.

### R. W. van Rijn,

BRILMAKER.

Kamers 501-520 Vytde Verdieping

Groote Kerkgebou,  
**KAAPSTAD.**

Laat u brilvoorskrif deur my voltooi word. Maak u keuse uit 'n groot verskeidenheid van moderne rame. Spesiale afslag vir studente.

## Van der Stel Bottelstoor

Andringastraat  
**STELLENBOSCH**

(Foon 94.)

Wyn, Brandewyn en Bier  
altyd beskikbaar.

Onthou groot voorrade koel-  
dranke altyd op hande.

N.B. — Bel Koos Tredouw

vir u volgende Partytjie.

## Die Plaza

Vrydag 31 Julie en Saterdag 1 Aug.  
Matinee Saterdag om 3 uur n.m.

Sy is terug . . . en sy is meer aantreklik as ooit tevore.

**Shirley Temple**

in 'n oproërende Prent vol spanning en gelag.

**KATHLEEN**

Ondersteun deur

**HERBERT MARSHALL**

Laraine Day — Gail Patrick

Felix Bressart — Nella Walker

'n Metro-Goldwyn-Mayer Prent.

# Rook Springbok-Sigarette

## PLATE-PROGRAM

Sondagaand om 8.30

## 'N UURTJIE MET SCHUBERT

„Ek beskou Musiek as die Wortel van alle Kunste”—H. v. Kleist.

Franz Schubert is in 1797 te Wene, waar hy sy hele lewe sou woon, gebore. Sy vader was 'n musikale skoolmeester en het 'n privaot orkes, waarin Franz later viola gespeel het, organiseer. Op 11-jarige leeftyd gaan hy na die Koninklike Kapel Koor-skool, waar hy van jongs af komponeer. Later help hy sy vader in sy skool, totdat vriende hom te hulp kom, maar hy het nooit finansiële onafhanklikheid bereik nie.

Schubert was 'n tydgenoot van Beethoven (1770—1827) en het hom jare vanaf 'n distansie eerbiedig, en het hom eers op sy sterfbed besoek, toe Beethoven hom as sy opvolger begroet het: „Franz het my siel.” Schubert was fakkeldraer by Beethoven se begrafnis, en 'n paar maande later (1828—Schubert is op 31 jarige leeftyd oorlede) moes die vriende, wat hom vergesel het, by sy begrafnis fakkels dra. Sy laaste gedagtes was oor Beethoven en hy is, soos sy begeerte was naby hom begrawe. Sy nagelate besittings (klere en honderde komposities — baie daarvan beroemd vandag) is teen £2-10-0 waardeur.

Schubert se musiek is by uitstek romanties. Hy was 'n spontane musikus en het nooit hard gewerk om te komponeer en het nie, soos Beethoven, sy komposities versigtig uitgedink nie. Percy Scholes het gesê: „Schubert het sy afronding, wanneer hy dit verkry het, verkry deur die perfektheid van sy inspirasie en die vertroubaarheid van sy opbouende instink. Die beste van sy baie werke sal altyd bekoor weens die melodie, die verfynde harmonie en die gemaklike, gelukkige gees, of indien meer ernstig, die opregte, en tog nie te diep, uitdrukking van 'n meer sobere gevoel.” Die liefiese is die groot

Ondersteun die C.S.V.-Basaar, Saterdag, 1 Augustus, in die C.S.V. Hoofgebou, om 10 v.m. en 7 n.m. (Adv.)

eienskap van sy werk.

By uitstek was Schubert 'n lieder-komponis (hy het 600 geskryf op goeie en selfs slegte woorde). Verder het hy gekomponeer: kamermusiek, 9 simfonieë, operas, misse, klavierwerke, ens.

(1) „Entr'actes No. 2 in B mol, Op. 26” is deel van die bybehorende musiek tot 'n toneelstuk.

(2) Drie liedere: „Erlkönig” — beskryf 'n kind wie se siel weggegryp word deur die bese gees, die Erekening van die woud. „Die Post” en „Das Wirtshaus” is albei uit „Winterreise” Op. 89.

(3) Die „Trio No. 1 in B mol, Op. 99” is een van die skoonste voorbeelde van kamermusiek. Dit is in 1827 gekomponeer in is sterk beïnvloed deur Beethoven (b.v. end van 5de sy). In die eerste deel (Allegro) word die kragtige hooftema dadelik deur die viool en tjello aangegee, en die tweede onderwerp, 'n lieflike melodie van breë omtrek, word deur die tjello aangegee. Die tweede deel (Andante) is een van die lieflikste wat Schubert geskryf het, en die hooftema vloei uit die tjello. Dikwels modulatie is weer 'n kenmerk van dié beweging. Die opgewekte klein scherzo is uiters effektief, en die hooftema word eers in die klavier gehoor. Die walsagtige trio is besonder klaend. Die Finale is in rondo-vorm (Allegro Vivace) en het as sy hooftema 'n dertelende melodie, waarna 'n tweede tema, wat later 'n aantal kere verskyn, gehoor word. Die deel bestaan uit 'n afwisseling van die temas en dit word afgesluit deur 'n Coda (Presto).

## Voorslag-Kommando se nuwe Aanvoerder

Veldkornet J. (Bokkie) Verster is aangestel as Kommandant van die Voorslag-kommando in die plek van Komdt. W. R. Laubscher, wat weens drukke akademiese werk tydelik ontslag moes neem en voortaan as Voorligtingsoffisier op die staf van die Hoofkommandant sal dien.

Aldus 'n verklaring van Hoofkomdt. W. A. Joubert.

Vervolg van bls. 1 kol. 2.

hom heelhartig geskaar agter die groot beginsels wat vir die Afrikaner ten grondslag lê van sy stryd en van die Rewolusie van die Twintigste Eeu. Om op hierdie grondslag voort te bou is die taak wat die A.N.S. hom ook in 1942 stel.” Dit lees ons in „Die Matie” van 28 Feb. 1942; dit was die taak van die A.N.S. vir hierdie jaar.

## VOLKSORGANISASIE

Op 6 Maart lees ons: „dat as ons weet dat die verdeeldheid rampspoedig vir ons volk is, en dat die vernamste oorsaak daarvan die liberalistiese partypolitiek is, en dat die redmiddel volksorganisasie is: dan is dit seer seker ons plig, nie alleen om ons saam met ons volk binne die volksbeweging te skaar nie, maar ook om met 'n luide basuingeskal ons verdwaalde volksmakers na ons te roep.” En „Die Matie” het nog steeds teen hierdie liberalisme te velde getrek.

Maar meer nog: „Die Matie” bevog nie alleen die wantoestande nie maar het op 22 Mei die manifeste wat uitgereik is deur die plaaslike front, wat positief aandui wat ons presies wil hê, gepubliseer.

Die inhoud van ons strewende na 'n Christelik-Nasionale Republiek word hiermee uitgekristalliseer.

Dit was die boodskap van „Die Matie” in die verlede, en dit sal die boodskap van „Die Matie” wees in die toekoms.

Vervolg van bls. 2 kol. 4

tering gevolg. 'n Openhartige Amerikaanse senator, volgens 'n Reuterberig uit Washington, het in die Senaat verklaar dat Hitler sy dreigement om genoeg duikbote te voorskyn te bring om die Amerikaanse voorradelinië af te sny, ten uitvoer gebring het. „Dis die grootste gekheid dat ons nog sal probeer om skepe vinniger te bou as wat Hitler hulle tot sink kan bring,” het hy gesê.

As die oordeel van hierdie Amerikaanse senator juis is dan kan dit met die Geallieerde skeepvaart nie te goed gaan nie. As verder in aanmerking geneem word dat die oorlogsvoering van die Geallieerdes juis deur die skeepvaart bepaal word dan is dit moontlik dat dit ook met hulle oorlogsvoering nie te goed mag gaan nie. Die produktiewe Amerika kan tot die oorlogspoging weinig bydra as die skeepsruimte ontbreek om die oorlogstuig aan die front te besorg. Berge van oorlogstuig in Amerika sal 'n bedreigde Rusland of Australië weinig baat tensy daar skepe is om daardie oorlogstuig na Rusland en Australië te vervoer. Berge van vleis in Argentinië sal die Brit weinig baat tensy daar skepe is om daardie vleis na Brittanje te vervoer. Veral Brittanje is nou eenmaal nie selfversorgend nie en vandaar die onontbeerlikheid van die skeepvaart.

Met die oog op die ernstige posisie van die skeepvaart is aan die Amerikaanse Senaat 'n plan voorgelê om 'n vloot van reusetransportvliegtuie te bou teneinde troepe en voorrade na die fronte vervoer. Volgens hierdie plan sou „lugtransport die enigste moontlike kans bied om die oorlog te wen.” Volgende keer meer hieroor.

## Onder Onsies

Mnr. v. Eeden het Maandag uit Rhodesië hier aangekom en kuier nou by sy broer dr. B. v. Eeden.

Mej. Greta Bremer is aangestel as lektrise in liggaamsopvoeding in die plek van mej. Hester Morrison. Mej. Bremer sal weer haar plek in die 1e Hokkiespan inneem — dit is voorwaar 'n groot aanwinst vir die span, want sy is 'n kranige Hokkie speler.

Mej. Miems Human en Mara Smit, albei oud-Huis-ten-Bossers, is aangestel op die personeel van Bonnievale en Bloemhof (Tvl.) onderskeidelik.

Mnr. Barend Blommaert en mej. Miriam Bosman, wat gedurende die vakansie in die huwelik getree het, is tans in Springs woonagtig waar mnr. Blommaert onderwys gee.

Mnr. en mev. Siebert Wiid is aangestel as huisvuur en-moeder van die skoolkoshuis op Hopefield.

Mej. Marie Dreyer van Bloemfontein, het verlede naweek deurgebring by haar suster mej. Erica Dreyer van Huis-de-Villiers.

Mej. Suzanne Malan wat vir ses maande in „Sonop” was is met groot vreugde van die Monicaners weer terug in Monica.

Rolien v. d. Riet, oud-primaria van Monica, nou mev. dr. Joubert van Kakamas, het gedurende die vakansie geboorte gegee aan 'n baba. Veels geluk Rolien!

Hiermee wil „Die Matie” ook sy gelukwensing oorbring aan twee Matie pare wat in die afgelope tyd verloof geraak het, nl.:

Mnr. Klaas Pansegrouw, lektor in Sosiologie aan die Universiteit van Stellenbosch, en mej. Ora Brink, onderwyseres aan die Volksskool, Graaff-Reinet, en

Mnr. Jan Mouton en mej. Juliana van Wyk.

Verlede Vrydagmôre het die 3e jaar geografie-studente saam met dr. Conradie sy doktorskap in Suikerbosie gevier.

## HALDENWANG!!

HEERLIKE GEBAK — NET WAT U HART BEGEER.

Kom besoek ons winkel in PLEINSTRAAT en probeer ons Koek, Tert, Botterbroodjies en alles wat lekker is.

(FOON 135)

## Alfred Blommaert,

(Foon 48 en 176)

Kerkstraat,

STELLENBOSCH.

KRUIDENIERSWARE

- - YSTERWARE - -

- - PRODUKTE - -

Die Winkel vir billike en spoedige bediening.

## Daar's 'n Rede

Die knapste Student kry die beste pos.

Die beste Drukwerk trek die meeste aandag.

Ons is bekend vir kwaliteit drukwerk teen konkurrerende pryse.

Pro Ecclesia-Drukkery,  
Die Laan, Stellenbosch.

'N DRINGENDE beroep op Vierdejaars- en Landbou-Studente

Dit is Uiters Noodsaaklik dat bg. studente onmiddellik hulle voorgeskrewe boeke vir aanstaande jaar bestel.

C.S.V.-Boekhandel  
Pleinstraat  
STELLENBOSCH

Ondersteun Die Matie

DIE  
PERELSE  
STOOMWASSERY

Kom laat die Firma wat die Beste dienste lewer u ook bedien.

Eienaar :

Mnr. W. Marsh.

Rook Springbok-Sigarette

# Onheilige Kompromis Tussen Rassesuiwerheid en Negrofilisme Dreig

## S.V.R. Verkrag Standpunt Van Studente-Unie

### Liberalistiese Konsiliasiebeleid Steek Weer Sy Kop Uit

As gevolg van 'n besluit van die S.V.R. Dinsdagaand word 'n konferensie met die negrofiele van U. Wits in die vooruitsig gestel. Dit sal onthou word dat die studente-unie verlede jaar besluit het om op grond van Wits se beleid van nie-skeiding van blank en gekleurde hulle te skaar by die Afrikaner-minderheid aan Wits en alle kontakte met die Universiteit te breek.

Die aanleiding tot die besluit was 'n brief van Wits se Rektor, Prof. Raikes, waarin hy sy spyt te kenne gee dat betrekkinge verbreek is en 'n voorstel maak in raadpleging met die Minister van Onderwys, dat 'n konferensie van verteenwoordigers van alle universiteite belê word om die moeilikheid te probeer oplos. Hy gee verder in die brief, egter, duidelik te kenne dat Wits nie geneë voel om van hul beleid ten opsigte van segregasie af te sien nie.

#### VOORSTEL.

Toe die brief ter tafel gelê is het die plaaslike A.N.S.-leier, mnr. W. A. Joubert, onmiddellik die volgende voorstel gemaak:—

„Hierdie Raad bekragtig die standpunt van die Studente-unies van Stellenbosch, U.P., P.U.K. en U.K.O.V.S. ten opsigte van die segregasie-kwessie aan Wits soos verlede jaar deur onderhandeling uitvoerig en totaal vrugtelos aan hulle gestel, en verklaar dat hy die voorstel om te konfereer nie kan aanvaar voordat Wits sy beleid in die saak gewysig het nie.”

Mnr. Joubert het sy standpunt as volg gemotiveer:—

1. Verlede jaar het die studente-unie na uitgerekte onderhandeling besluit om hulle te skaar by die Afrikaner-minderheid aan Wits en en alle betrekkinge met die Universiteit te breek aangesien Wits nie alleen die beginsel van segregasie verwerp het nie, maar met die praktiese toepassing van 'n beleid van nie-segregasie die posisie van die Afrikaners aan die Universiteit onmoontlik maak, en die Afrikaners in werklikheid segregeer.

2. Die Afrikaner-standpunt is al baie duidelik aan Wits gestel, veral waar die A.N.S. die stryd al jarelank aan Wits voer.

3. Wits het hul standpunt en beleid nog nie in die minste gewysig nie en toon soos uit die brief blyk ook nie geneentheid om dit te doen nie.

4. Stellenbosch het in sy besluit verlede jaar saam met die ander Afrikaner-sentrums en die minderheid aan Wits in 'n Afrikaner-blok die stryd aangeknoop teen die negrofilisme en daarom betrekkinge

met Wits gebreek.

5. Aangesien Wits sy beleid nog nie gewysig het nie sou dit 'n lynregte verkragting van die studente-unie se standpunt wees (wat ná lang onderhandeling ingeneem is) as die S.V.R. nou weer besluit om te onderhandel.

6. Wits se voorstel vir 'n konferensie is dus totaal-en-al misplaas aangesien die Afrikaner die aanmatigende houding van die negrofiliste met geen kompromie tegemoet kan kom nie, en lankal verplig was om alle konsiliasie-politiek te laat vaar ten einde die frustrasie van sy eie ideale te voorkom.

Die hele strydpunt kristalliseer dus uit tot 'n keuse tussen die liberalistiese konsiliasie-politiek en die positief-Afrikaanse beleid.

Hierdie voorstel is geseondeer deur mnr. Buks Fouché, en verder ondersteun deur mnr. David Snyman, Jan Mouton en Christie Slabbert.

#### TEENVOORSTEL AANGENEEM.

'n Teenvoorstel is gemaak deur mnr. Coligny Murray ten effekte dat „Hierdie Raad aan die konferensie sal deelneem.” Dit is geseondeer deur mnr. Eddie H. Botha. Hulle het hulle op die standpunt gestel dat daar wel nog 'n moontlikheid bestaan om die negrofiele te oorreed tot toegewings aan die Afrikaner-standpunt.

Die voorstel van mnr. Joubert is verwerp met 10 stemme teen 5, en daar is verder bepaal dat die afvaardiging van Stellenbosch sal bestaan uit drie studente en een dosent. Daar is aan die hand gegee dat die konferensie sal plaasvind onder voorsitterskap van die Sekretaris van Onderwys.

#### Organisasiedag

Op 8 Aug. word Organisasiedag op Coetzenburg gevier onder beskerming van die plaaslike O.B.-Studentekommandos.

'n Uitstekende program is vir die dag gereel: Basaar, Braaivleis, Middagete, Boeresport, Volkspelletjies is van die vele bykomstighede by die eintlike program.

Bring bekere saam.

## A-Nee-A Maties !!

### Wat dan van die „Pirates of Penzance”?

In die loop van die jare van sy verblyf op Stellenbosch het Herr Endler hom gedurig ingespan om musiekopvoerings van 'n uitstaande gehalte te reël en op die planke te bring. Die kulminering van sy prestasies in hierdie verband het verlede jaar in September plaasgevind met die opvoering van „Die Skepping” van Haydn.

Vroeg vanjaar weer, het hy 'n nuwe poging op tou gesit, met die oog op die opvoering van „Pirates of Penzance,” maar nou, na veel moeite van die kant van Herr Endler en Mej. Wandelt, en na ook 'n aansienlike som geld alreeds aan voorlopige onkoste bestee is, moet die plan gelaat word, omdat die nodige aantal deelnemers nie gevind kan word nie.

Herr Endler werk nie vir homself nie, maar vir die Universiteit, vir ons. En as die 2,000 studente van 1942 nie die paar mense kan oplewer wat vir daardie doel nodig is nie, beteken dit nie alleen ernstige teleurstelling vir Herr Endler nie, maar ook 'n ernstige refleksie op onself, en 'n verwaarlosing van die goeie voorbeeld van ons voorgangers.

*Indien daar nou nog die nodige aantal deelnemers — veral tenore en basse — gevind kan word, sal daar voortgegaan word met die opvoering. Meld u dus dadelik aan by Herr Endler.*

Vervolg van bls. 1 kol. 4.

medestudente en ander volksgenote ontvang waarvoor daar stellig ook dankbaarheid bestaan. Maar ook hierdeur het hy tot voorwerp van afguns verhef wat wellicht net soveel (indien nie meer nie) stof tot dankbaarheid behels!

Die stryd is, helaas, nog nie vol-eindig nie. Maar die stryd wat u, en so baie ander saam met u, stry, is 'n eerbare en mag om hierdie rede alleen nie versaak word nie. Dat „Die Matie” steeds mag dien as draer van die geloof en vertroue wat u, en ons, het in die regverdigheid van ons strewe, is die opregte wens van menige hart. En indien die opdraende al hoe steiler mag word, dink aan die woorde van ons volksskrywer en -digter (Langenhoven):

„As jy te stry het teen onreg, en verdrukking, en dwingelandy en valse leer en bygeloof: wees jou edele stryd waardig. Jy stry

## Ons Bou

Kyk, en een nag terwyl die maan daarvoor geglim het, het ons eie bodem mos gebaar; ja, uit ons eie bergbodem het ons ons eie Toekoms verrys en daardie môre vroeg, toe die maan reeds al 'n rooi bol was, en die son nog ver was, toe het die Voorteken alreeds daar op die berghang gepryk, klein en tengerig dis waar, maar, tog volmaak van gedaante en simboliek.

En die hele van daardie dag het hy gegroei; en vir baie was dit 'n gruwel.

En die hele van daardie nag het hy gegroei; en vir baie het hy 'n verskrikking geword.

En daardie môre is 'n aanslag op hom gemaak, maar hy wat nie uit kaas gebou was nie, het, hoewel ver mink, tog bly staan.

En hy het weer gegroei, om daardie middag in volmaakte luister bo die vandale te troon.

En daardie nag het die maan weereens oor hom geglimlag.

En toe dit môre word was sy taak voltooi. Rustig het hy gewag op vreesbevange hande om hom uit te wis. En dit het gebeur.

Maar die littekens het bly staan, en sal vir ewig bly staan.

O magtige simboliek!

## A.K.V.

Prof. F. E. J. Malherbe sal eerskomende Dinsdagaand om 8 uur 'n lesing in die Hollandse saal hou oor „Die Kuns van Jan Toorop.” Almal Welkom.

nie vir jou voordeel nie, jy is 'n kampvegter vir andere; 'n martelaar vir jou medemens; en hoër adelaar as dié bereik die mensheid nooit op aarde nie. As jy neergeslaan word, spring weer op en slaan weer met jou verminkte, verswakte, hande: jy sal te gronde gaan, maar die segepraal van een Luther is gebou op die nederlaag van menige Huss. Dit is een van die naels van jou kruis, dat jy sal wanhoop of jy jou volk 'n tree nader gebring het na die beloofde land; dat jou offer sonder erkentnis is. Maar waargtig, as jy die man is wat tog volhard, is jy die sout van die aarde.”

Die afgelope Boerorkes-konsert was die honderd-en-tweede konsert waaraan mnr. Bernie Lombard en sy pop deelgeneem 'et. Dis 'n prestasie Bernie!

## DIE EIKE KAFEE

(Eienaar: van der Wes.)

### STUDENTE:

Kom na die Eike vir vars vrugte, sjokolade en tabak.

Ons waardeer u ondersteuning en verseker u van ons beste dienste.

## MATIES ONTHOU!

Die REKREASIE SALON'S Is hier om tot Diens te wees Vir beide Mans en Dames Studente.

Foon 317. Reg oor die Poskantoor.

## „Die Uitspan”

Waar? In die C.S.V.-Hoofgebou.  
Wat? KAFEE waar warm etes, warm- of koel-dranke en allerlei lekkernye bedien word.

Voorwaarde? Kom vind uit en wees verseker van bevrediging in

## „Die Uitspan”

Onthou . . .

## J. C. BERGH Die Kleremaker!

- Vir u volgende Pak
- Werk Gewaarborg
- Billike Pryse
- Beste Materiaal

Nuwe Adres:

Net langs aan die Suikerbossie!

### Ondersteun

## Hendrikz se Slaghuis en Viswinkel

Die beste dienste word gelewer.

ADRES: ANDRINGASTRAAT.

## Goeie Raad!

Vir Netjiese Drukwerk en ander Skryfbehoeftes

Besoek

## DOWSON

Ons Staf tot U Diens.